



## **MEMORANDUM O RAZUMIJEVANJU U VEZI SA SARADNJOM U OBLASTI IZBORA IZMEĐU CENTRALNE IZBORNE KOMISIJE BOSNE I HERCEGOVINE I CENTRALNE IZBORNE KOMISIJE GRUZIJE**

Centralna izborna komisija Bosne i Hercegovine i Centralna izborna komisija Gruzije, dalje u tekstu “Učesnici“;

Uzimajući u obzir njihov konstruktivan odnos razvijen u bilateralnom i multilateralnom kontekstu;

Potvrđujući njihovu podršku demokratskom procesu i poštivanju općepriznatih demokratskih standarda u pogledu prava i sloboda građana;

Nastojeći ojačati i produbiti bilateralnu saradnju u područjima izbornog upravljanja, kao i u razmjeni informacija i najboljih praksi o izbornim pitanjima;

Uzimajući u obzir njihovu zajedničku potrebu za razmjenom iskustava stečenih iz ranijih izbornih procesa, uz razmjenu stručnosti i stručnog znanja; i

Potvrđujući njihovu spremnost za uspostavu mehanizma saradnje u pogledu osmišljavanja izbornog procesa i provođenja poboljšanja naprijed navedenog procesa;

Dogovorile su sljedeće:

### **Stav 1.**

Učesnici će promovirati saradnju, uz obostrani dogovor, u sljedećim područjima:

- a. promoviranje razmjene znanja i iskustava u organizacijskom i tehničkom razvoju izbornog procesa, s naglaskom na razvijanje najbolje prakse u području izbornog menadžmenta;
- b. podrška u razmjeni informacija, materijala, stručnjaka i organiziranje obuke osoblja o korištenju izbornih tehnologija u izborima;
- c. izrada i distribucija materijala o izbornim sistemima, ravnopravnosti spolova i inkluzivnosti izbornog procesa i postupka glasanja u svrhu otklanjanja prepreka u ostvarivanju biračkog prava građana, kao i u svrhu povećanja pravnog razumijevanja birača i drugih učesnika u izbornom procesu;
- d. dijeljenje informacija u vezi s korištenjem glasačkih tehnologija u izbornom procesu, edukaciji birača i podizanju svijesti, dezinformacijama te mehanizmima i alatima koji se koriste protiv lažnih i pogrešnih informacija;
- e. omogućavanje odnosa s drugim izbornim akterima/tijelima i organizacijama;

- f. jačanje saradnje u cilju povećanja povjerenja javnosti u izborni proces; i
- g. sva druga područja saradnje o kojima učesnici mogu zajednički odlučiti unutar svojih mandata.

#### **Stav 2.**

Kako bi se razvio odgovarajući mehanizam za provođenje ovog Memoranduma o razumijevanju (MoU), učesnici će provoditi redovne konsultacije o sljedećem:

- a. utvrđivanje i revidiranje prioritetnih područja saradnje;
- b. izrada i podnošenje preporuka za područja saradnje, dogovaranje zajedničkih aktivnosti potrebnih za provođenje ovog Memoranduma o razumijevanju te utvrđivanje načina za njihovo provođenje.

#### **Stav 3.**

Tokom provođenja ovog Memoranduma o razumijevanju učesnici mogu razvijati i zajednički odlučivati o zajedničkim planovima, definirajući posebne oblike saradnje. Finansiranje aktivnosti koje proizlaze iz ovog Memoranduma o razumijevanju odredit će se međusobnim pristankom učesnika.

#### **Stav 4.**

1. Ovaj Memorandum o razumijevanju ne stvara pravne obaveze prema međunarodnom pravu.
2. Ovaj Memorandum o razumijevanju provodit će se u okviru odgovarajućih zakona i propisa dviju zemalja i ovisno o raspoloživosti dodijeljenih sredstava i osoblja Učesnika.

#### **Stav 5.**

Ništa u ovom Memorandumu neće, na bilo koji način, spriječiti niti jednog Učesnika od zaključivanja bilateralnog dogovora sa tijelima za provođenje izbora ili međunarodnim organizacijama ili pristupanja međunarodnim izborim udruženjima.

#### **Stav 6.**

Svaki spor između Učesnika koji se odnosi na tumačenje i primjenu ovog Memoranduma rješavat će se konsultacijama i/ili pregovorima između Učesnika.

#### **Stav 7.**

Ovaj Memorandum o razumijevanju može se mijenjati uz obostranu pisanu saglasnost Učesnika, utvrđenu u obliku protokola koji će biti sastavni dio ovog Memoranduma o razumijevanju, a stupit će na snagu danom potpisivanja.

**Stav 8.**

Ovaj Memorandum stupa na snagu na dan potpisivanja i ostat će na snazi dok ga jedan od Učesnika ne raskine pisanom obavijesti.

Potpisano u Tbilisiju, dana 27.03.2024. godine na bosanskom, hrvatskom, srpskom, gruzijskom i engleskom jeziku, s tim da je svaki tekst identičan.

U slučaju različitih tumačenja, prednost ima tekst na engleskom jeziku.

**ZA CENTRALNU IZBORNU KOMISIJU  
BOSNE I HERCEGOVINE**

Irena HADŽIABDIĆ

Predsjednica



**ZA CENTRALNU IZBORNU KOMISIJU  
GRUZIJE**

Giorgi KALANDARISHVILI

Predsjedavajući



Broj: 04-2-14-870-4/2023